

COMUNICATO n. 1203 del 19/05/2025

Fondi per 3,2 milioni de euro. L'assessor Failoni: "Intervent dal valor sozièl e per la valorisazion del paesaje"

Didamenc per l'arlevament te mèlga e l' stravardament de la biodesvalivanza del paesaje rurèl, domanes dant dai 30 de jugn

[Ladino] L'é temp enschin ai 30 de jugn che vegn per portèr dant domana de contribut tel chèder del avis metù fora da la Provinzia per l' stravardament e la valorisazion del teritorie di bos e di pèscoi. Con na dotazion en dut de 3,2 milioni de euro, l'intervent l' sostegn projec ouc a miorèr l' balanzament anter atività econòmiches, paesaje rurèl e mantegniment de la biodesvalivanza de besties e piantes. "Con chest intervent – despiega l' assessor provinzial per i bos, Roberto Failoni – volon sostegnir a na vida concreta chi che vif e che laora sun noscia monts, col recognoscer l' valor ambientèl e sozièl de la gestion di bos e di pèscoi". L' avis l' vegn tout ite tel Pian Strategich Nazionèl de la PAC 2023-2027, e l' vegn finanzià enche da l' Union Europeèna tras l' Fondo european agricol per l' svilup rurèl (Feasr), dal Stat e da la Provinzia autonoma de Trent.

L' provediment l' finanzia investimenc no produtives agricoi con obietives ambientèi, soraldut chi ouc al stravardament di habitat naturèi, a la gestion sostegnibola del paesaje e a la convivenza anter ativitàes agricole e besties salvères.

Vegn ametù al fianziament intervenc per endrezèr sistemes de gestion de l'èga te la mèlghes, desche poc da l'èga, vasches, rerservares e brenc, tout ite enche i impianc de fitodepurazion. Vegn portà dant enche l' recuperament di pèscoi da mont arbandoné e l' miorament di habitat de la rei Natura 2000. L' avis l' sostegn enche i lurieres per fèr su sieves de legn tradizionèles e l' rersanament conservatif de cheles de sasc, compagnèdes se en cajo da sieves o da sieves da èlbres, desche enche sistemes con eletrich per defener l' bestiam da la besties magnacèrn e de strutures per la defendura di baic de la eves (Bienenhaus).

L' contribut l' cour l' 70% de la speisa ametuda enschin a n' mascimal de 100mille euro per beneficièr, perzentuèla che la pel vegnir smaorèda enche al 80% se i intervenc i vegn pissé da Sociazions forestales. Pel portèr dant domana i patrons o chi che à la gestion del teritorie, tant publics che privac, estra che i bachegn, arlevadores de la eves, e sia formes soziatives o consorzièles.

La domanes les cogn vegnir manèdes ite demò online dant dai 30 de jugn del 2025, tras l' portal del sistem informatif agricol provinzial SRTrento, azessibol a la direzion <https://srt.infotn.it/> oppure tramite il sito <https://a4g.provincia.tn.it/>.

Duta la informaziions avisa les é a la leta sul sit istituzionèl del Servije Foreste (<https://forestefauna.provincia.tn.it/Foreste/Attivita-forestali/Contributi-allo-sviluppo-rurale-PSP-2023-2027>).

Traduzion di Servijes Linguistics e Culturèi del Comun general de Fascia

(cdt)